

P. 519, L. 8【今約圓觀】若四教通說，詳如下：《摩訶止觀》卷 4：「欲者欲從生死而入涅槃。……此二十五法通為一切禪慧方便。諸觀不同。故方便亦轉。」

(T46,p.48,b18-c11)

五法	藏教	通教	別教	圓教
欲	欲從生死而入涅槃	欲廣化眾生成就佛法	如薩陀波崙欲聞般若，不自惜身命	欲從二邊正入中道
精進	不雜有漏一向專求	雖眾生性多，佛法長遠，誓無退悔	為聞般若故，七日七夜閑林悲泣；七歲行立，不坐不臥	不雜二邊，任運流入
念	但念涅槃寂滅，不念餘	悲心徹骨，如母念子	常念我何時當聞般若，更無餘念	繫緣法界，一念法界
巧慧	分別生死過患，聖賢所呵；涅槃安樂，聖所稱歎	巧知諸病，明識法藥，逗會適宜	雖有留難，留難不能難。如賣身，魔不能蔽；隱水，更能刺血。轉魔事為佛事	修中觀方便
一心	決定怖畏，修八聖道，直去不迴	決定化他，誓令度脫，心不異、不二	決志不移，不復二念也	息於二邊，心水澄清，能知世間生滅法相；不二其心，清淨常一，能見般若

P. 519, L. -3【總標境智】《法華文句記》卷 9〈釋安樂行品〉：「初「觀」字標智，中間「一切法」三字標境，後「空」字文中不釋，但是結成智境。「若單論」下，明境智意。智即〈方便品〉初五佛智慧，境即〈方便品〉初十如實境；但下「空」字，隨位判之，但此屬弘經之行，彼屬五佛所顯。又「單論」等者，今正明觀，何以舉一切法耶？舉所顯能，故空顯於觀，一切法家之空觀也。」(T34,p.320,a2-9)「五佛」：總明諸佛、過去、現在、未來佛、釋迦佛。「五佛智慧」，權實二智。

P. 520, L. 8【二邊三諦無一異】《妙法蓮華經玄義》卷 3：「〈安樂行〉云：「亦不分別有為、無為，實、不實法。」有是俗諦，無是真諦；「亦不分別」是遮二邊、顯中道。」(T33,p.707,a16-19)《觀音玄義》卷 2：〈觀世音義〉「圓教者。此正顯中道遮於二邊。非空非假、非內非外。觀十法界眾生。如鏡中像、

水中月。不在內、不在外。不可謂有、不可謂無。畢竟非實，而三諦之理宛然具足。無前無後在一心中。即一而論三，即三而論一。觀智既爾，諦理亦然。一諦即三諦。三諦即一諦。」(T34,p.886,b10-16)〈慈悲普·無緣方普〉「不緣二十五有假名。不緣二乘涅槃之法。不緣此二邊。雖無所緣。而能雙照空假。約此起慈名無緣慈。…無緣慈者。若緣十法界性相等差別假名。此假則非假。十法界如幻如化。空則非空。非假故不緣十法界性相。非空故不緣十法界之真。既遮此二邊，無住無著。名為中道。亦無中可緣，畢竟清淨。如是觀時，雖不緣於空假，任運雙照二邊。起無緣慈悲，拔二死之苦，與中道之樂。如磁石吸鐵。無有教者。自然相應。無緣慈悲吸三諦機。更無差忒。不須作念。故言無緣慈悲也。」(T34,p.888,c4-p.889,b23)

【七方便】天台宗依〈藥草喻品〉「三草二木」之意而立者，謂人乘、天乘、聲聞乘、緣覺乘及藏教、通教、別教之菩薩乘（人、天、二乘、三教菩薩）。

P. 520, L. 9+10 **【以實為相、實即無相】**《觀無量壽佛經疏妙宗鈔》卷3：「諸法當處。不生不滅、非有非空、無能無所。離言說相、離名字相、離心緣相。離此等相。名為實相。無相之相也。誰人不具。何法不然。若論證知。唯有諸佛。故法華云：唯佛與佛乃能究盡諸法實相。稟圓說者。初心即用佛智照境。故能信解諸法實相。既解實相。亦解諸法實性、實體、實力、實作、實因、實緣、實果、實報、實本末究竟等。十法既實。即是實生、實佛。實依、實正。一色一香無非中道。一切諸法皆是佛法。既一切皆實。實外無餘。復何得云餘皆魔事？應知此說。以理簡情。若離心緣能所等相。名為實相。介爾有相即為魔事。故別教已下至六道法。皆有能所、心緣等相。魔能說之。悉名魔事。故知一切皆魔、一切皆佛。以情分別。一切皆邪。離情分別。一切皆正。」(T37, p.209,a1-16)

P. 520, L. -4 **【不為二死所動】**《法華文句記》卷9〈釋安樂行品〉：「無八顛倒者，無於常、無常等各四，即表中道。然常等之名，名兼界外，以變易中，非但獨有無常等倒，望於雙非，仍有出假常等四倒；若不立雙非，義則不爾，具如《止觀》第七文。以雙樹表之，諸法即中，故無二死。倒即生因，無因必無果，故《大論》中喻如墮巖，雖未至地，即名已死。」(T34,p.320,a15-21)故「不

顛倒」後云「不為二死所動」。

P. 520, L. -4【心心寂滅】《觀無量壽佛經疏》卷1：「二空觀為方便。得入中道第一義諦觀。心心寂滅。自然流入薩婆若海。此名出瓔珞經。」(T37,p.187,b28-c1)

《菩薩瓔珞本業經》卷1〈賢聖學觀品 3〉：「煩惱畢竟不受，心心寂滅法流水中，自然流入薩婆若海。(T24,p.1014,c25-27)」 「以三空智觀三界二習，色心果報滅無遺餘，一切行功德功用造作已竟，一切變通所為所作不一不二，無不滿足修行開發。一切功德行功用開發，乃至上地一切功德行已修竟，開發功用亦悉具足。一切行根本以十度為本：施、戒、忍、進、定、慧、方便、願、力、智。十度行法功用已竟，無為無作法流水中，心心寂滅，自然流入薩婆若海故。」(p.1015,a29-b8)

P. 520, L. -3【如虛空】《法華文句記》卷9〈釋安樂行品〉：「如虛空者，先立譬也。不為二邊轉故，故觀者叵得，但有名字。次『中道』下合也。但有名字即性空，名字亦無即相空，此即所得二空觀體。『無所有』下出二空相，無所有即性空相，一切言語道斷，即絕言思為相空相。」(T34,p.320,a25-b1)

P. 520, L. -2【無自、無他、無共、無無因性】不自生、不他生、不共生、不無因生。《中論》卷1〈觀因緣品 1〉：「諸法不自生，亦不從他生，不共不無因，是故知無生。」(T30,p.2,b6-7)又「諸法性不在眾緣中。但眾緣和合故得名字。自性即是自體。眾緣中無自性。自性無故不自生。自性無故他性亦無。何以故？因自性有他性。他性於他亦是自性。若破自性即破他性。是故不應從他性生。若破自性他性即破共義。無因則有大過。有因尚可破。何況無因。於四句中生不可得。是故不生。」(T30,p.2,b20-27)

P. 520, L. -1【所破能破稱理】「所破」=惑，「能破」=智。「理」體，本來無生。依理起觀智，故能破智無生。三障本空，無明故有；治以圓法，稱本虛融，更非障闕。無明本空、不覺本無，故《楞嚴》云：「昔本無迷，似有迷覺。覺迷滅，覺不生迷。」但一覺迷，迷即頓滅，以真性覺中，本無無明也。故種種行位因果等，皆是於「覺迷」中假名而立也。

P. 521, L. 1【如來所治。全體即是】《金光明經文句記》卷3：「於內心復歷

2021/4/20

緣境，諦觀冥契，乃達十界罪福無主，修惡修善全體即是性惡性善，斯乃名見罪福實相。」(T39,p.114,a16-19)卷 6：「雖昏迷繫縛輪轉。而全體即是三因佛性。皆不可思議。」(T39,p.153,a22-24)《觀音玄義記》卷 2：「見受業報，全體即是性惡法門。如富豪人七寶家業。凡夫生盲轉動罣礙，為寶所傷。二乘熱病見是鬼虎，避走遠去。圓人之眼不盲不病。明見是寶，自在用與。非觸不被損傷恐怖。而能以此自給惠他。於此證理名為自給。以此利物即是惠他。」(T34,p.902,b23-28)